

四庫全書

史部

欽定四庫全書

欽定續通志卷四百四十八

列傳

元二

察罕

伊均薩哈勒
喇智喇幹

徹伯爾和卓

卓沁台

實訥台

瑪古岱爾
烏爾圖

烏頁爾

蘇布特

烏蘭哈達

阿勒楚爾

鄂約達勒

察罕初名伊德唐古鄂摩克氏父吹辰類為夏臣其妾方懷察罕不容於嫡母以配掌羊羣者及察罕稍長嫡母已有弟矣察罕武勇過人幼牧羊於野太祖出獵與語異之乃挈以歸語光獻皇后曰今日出獵得佳兒可善視之命給事內廷及長賜姓蒙古妻以宮人鴻吉哩氏從帝略雲中桑乾金將達實擁重兵守野狐嶺帝遣察罕覘虛實還言彼馬足輕動不足畏也帝命鼓行而前遂破其軍圍白樓七日拔之以功為御帳前首千戶

從帝征西域布哈爾賽瑪爾堪二城回回國主札拉昂
拒守鐵門關兵不得進察罕先驅開道斬其將餘衆悉
降又從攻西夏破肅州師次甘州察罕父吹辰類居守
城中察罕射書招之且求見其弟時弟年十三命登城
高處見之且遣使諭城中使早降其副思楚等三十六
人合謀殺吹辰類父子并殺使者併力拒守城破帝欲
盡坑之察罕言百姓無辜止罪三十六人進攻靈州夏
人以十萬衆赴援帝親與戰大敗之還次六盤夏主堅

守中興帝遣察罕入城諭以禍福衆方議降會帝崩諸將擒夏主殺之復議屠中興察罕力止之馳入安集遺

民太宗即位從略河南皇子庫春胡土克圖伐宋命察

罕為斥候又從親王昆布哈南伐歲乙未

按庫春克東陽續通鑑作

丙申歲八月事

克棗陽及光化軍未幾召昆布哈赴行在以全

軍付察罕丁酉復與昆布哈進克光州戊戌

按本紀乙巳歲皇后

稱制命馬步軍元帥察罕等攻拔壽泗諸州此云戊戌則當在太宗之十年矣疑誤授馬步軍都

元帥率諸翼軍攻拔天長縣及滁壽泗等州定宗時命

拓江淮地憲宗即位以都元帥兼領尚書省事賜汴梁歸德河南懷孟曹濮太原三千餘戶為食邑及諸處草地合一萬四千五百餘頃戶二萬餘乙卯卒追封河南王謚武宣子十人長穆呼哩事憲宗直宿衛從攻釣魚山以功授四鄂爾多齊哩克昆千戶至元四年攻宋自江陵畧地回至安陽灘宋兵扼其歸路穆呼哩奮擊敗之都元帥阿珠陞馬宋軍追及之穆呼哩挾之上馬鏖戰退宋兵為蒙古軍萬戶復攻襄樊有功卒于軍追封

梁國公諡武毅從孫伊埒薩哈勒

伊埒薩哈勒祖吹且佐太祖時得名見屬皇子察罕台
為札爾古齊父阿卜呼事諸王阿勒呼木居西域至元
十年擇貴族子備宿衛召伊埒薩哈勒至闕下以為舒
庫爾齊掌服御事甚見親幸有大政時以訪之稱之曰
秀才嘗奉使河西還奏諸王哲伯特穆爾用官太濫帝
嘉之擢河東提刑按察使逐平陽路達魯噶齊台哈布
哈進南臺中丞時丞相阿哈瑪特之子呼遜為江淮行

省平章政事恃勢貪穢伊埒薩哈勒發其姦奏誅之并
劾江淮釋教總攝嘉木揚喇勒智諸不法事諸道竦動
二十一年改北京宣慰使諸王納顏鎮遼東伊埒薩哈
勒察具有異志密請備之二十三年罷宣慰司立遼陽
行省以伊埒薩哈勒為參知政事已而納顏果反帝自
將征之時諸軍皆會伊埒薩哈勒掌運糧儲軍供無乏
東方平帝嘉其先見且餉運有勞加左丞二十七年命
尚諸王算濟女改四川行省左丞元貞元年入朝卒弟

喇勒智喇幹

喇勒智喇幹為裕宗東宮筆且齊典文書至元十八年
蜀初定帝閱其地久受兵擇近臣撫安之以喇勒智喇
幹為嘉定路達魯噶齊時方以闢田均賦弭盜息訟諸
事課守令喇勒智喇幹奉詔甚謹民安之會盜起雲南
聲言欲寇成都喇勒智喇幹馳入告急帝曰南人生長
亂離豈不厭兵畏禍其歸以朕意告諸將叛則討之服
則捨之母多殺以傷主意則人心定矣喇勒智喇幹至

蜀宣布上旨俄召為臬府卿後遷刑部尚書有小吏誣
告漕臣劉獻盜倉粟宰相僧格方事聚斂衆阿其意鍛
煉枉服喇勒智喇幹曰刑部天下持平今輦轂之下漕
臣以寃死何以正四方乎即以實聞以是忤丞相出為
江東道宣慰使在官務興學諸生有俊秀者拔而用之
為政嚴明豪民猾吏不敢犯元貞二年遷四川行省參
知政事大德三年以參知政事為湖南宣慰使繼改荆
湖荆湖多弊政而公田為甚部內實無田隨民所輸租

取之戶無大小皆出公田租雖水旱不免喇勒智喇幹
問民所不便凡十數事上於朝而言公田尤切朝議遣
使理之民力少蘇七年再遷四川行省參知政事八年
進左丞雲南王入朝所在以驛騎縱獵喇勒智喇幹曰
驛騎非有急不得馳况獵乎王憚為之止獵蜀人饑親
勸分以賑之有死無葬者則以已錢買地使葬且修寬
政以撫其民部內以治十年遷湖廣行省左丞湖廣歲
織幣上供以省臣領工作遣使買絲他郡多為姦利工

官又為刻剝故匠戶日貧造幣益惡喇勒智喇幹令工
視賈人藏絲者擇買之工不告病至大三年以疾卒於
官諡忠惠子二人長瑪南翰林學士承旨次吉納御史
大夫孫達爾瑪內府宰相

徹伯爾和卓賽音人賽音西域部之族長也因以為氏
和卓其官稱也太祖與克呼王汗有隙一夕王汗潛兵
來衆軍潰太祖遽引去從行者僅十九人徹伯爾與馬
至班珠爾河糧盡無所得食會一野馬北來諸王哈札

爾射之殪遂煮而啖之太祖舉手仰天而誓曰使我克
定大業當與諸人同甘苦苟渝此言有如河水將士莫
不感泣王汗既滅西域諸部次第亦平乃遣徹伯爾使
金金不為禮而歸金人恃居庸之塞治鐵錮關門布鐵
蒺藜百餘里守以精銳徹伯爾還報太祖遂進師距關
百里不能前召徹伯爾問計對曰從此而北黑樹林中
有間道終夕可至太祖乃令為前導日暮入谷黎明已
在平地疾趨南口金人猶睡未知也比驚起已莫能支

吾鋒鏑所及流血被野關既破中都大震已而金人遷
汴太祖覽中都山川形勢顧謂左右曰朕所以至此者
徹伯爾之功為多乘輿北歸留徹伯爾與諸將守中都
授天下都達魯噶齊徹伯爾每戰被重甲舞槊陷陣馳
突如飛衆莫能當卒年一百一十八追封涼國公諡武
定二子阿里哈密拉齊阿里哈密從徹伯爾出入行陣
勇而善謀憲宗伐蜀嘗為天下質子兵馬都元帥云
卓沁台鄂爾和達氏其先琳沁巴丹以材武雄諸部生

子曰鄂爾和達曰莽果當開創之先協贊大業厥後太祖即位命其子孫因其名為氏朔方既定舉六十五人為千夫長鄂爾和達之孫曰卓沁台其一也初奇味王汗之子星根有智勇諸部畏之奇雅喇哈喇克沁沙陀等帥衆來侵兵戰不利近臣馳告太祖曰羣下忠勇無踰卓沁台者宜急遣之拒敵從之卓沁台承命單騎陷陣射殺星根降其大將寶勒們等遂併有奇味之地奈曼默爾格台合兵來侵卓沁台俘其主嘉克堅布及二

女以歸諸部悉平與嘉克堅布盟而歸之未幾復叛卓
沁台以計襲殺之遂平其國卓沁台始從征奇雅喇間
關萬里每戰必為先鋒帝賜嬪御茂巴哈必濟音濟薩
巴俾烏嚕古四千人世世無替子奇塔特材武過人自
太宗及世祖歷事四朝以勞封德清郡王賜德州戶二
萬為食邑至元十八年增食邑二萬一千戶肇慶路連
州德州洎屬邑俱隸焉奇塔特薨子都沁巴圖爾襲爵
為郡王太宗時與伊拉噶台戰勝帝即以伊拉噶台妻

賜之世祖之征額呼布格也奇塔特子哈達跪而前曰
臣父祖在先朝屢立戰功今王師北征臣願以力戰自
効既得請戰于實默溫都爾之地兵始交獲其將哈坦
斬之威喇之軍遂敗奴又戰于實喇雅圖噶之地當帝
前混戰至日晡勝之李璫叛帝遣哈必齊等討之哈達
亦在行璫平與有功馬哈達子托歡亦嘗從諸王齊濟
克圖討珠爾噶台獲之又嘗破錫里濟永和爾于伊蘇
摩哩及征納顏托歡弟慶通亦在軍雖病猶力戰奇塔

特二子曰都沁曰哈達哈達三子曰托歡曰額琳沁巴
勒曰慶通托歡二子曰達實特穆爾曰多喇達實特穆
爾一子曰實喇布哈自竒塔特而下凡九人皆封郡王
實訥台圖伯特克呼氏以忠勇侍太祖命領蒙古軍從
太師國王為先鋒兵至河北史天澤父率老幼降國王
承制授天澤兄天倪河北西路都元帥領真定乙酉副
帥武仙殺天倪以真定叛天澤遣監軍李伯祐詣軍前
請援國王命實訥台率精甲三千與天澤合兵進圍中

山仙遣其將葛鐵槍來援實訥台奮擊敗之會日暮阻水為營實訥台料其氣索乘勝進擊大敗之擒鐵槍守將宵遁遂克中山取無極拔趙州仙棄真定奔西山抱犢寨實訥台與天澤入城撫定其民未幾仙潛結內應夜開南門納仙復據其城實訥台倉卒以步兵七十踰城奔藁城遲明部曲稍集兵威復振襲取真定仙棄城遁將士怒民之反覆驅萬人出將屠之實訥台曰此民為賊所驅脇有何罪乃皆釋之

按史天澤傳云實訥台怒驅萬餘人將殺之天澤力

爭得釋語

異本傳

整兵前進下太原畧太行拔長勝寨斬仙守

將盧治中圍仙於雙門寨仙遁去引兵出太行山東敗宋
將彭義斌追至火炎山斬之至大名守將蘇元帥以城
降遂引兵臨東平敗安撫王立剛于陽穀圍東平立剛
走連水金守將棄城遁遂定東平又與蒙古布哈徇河
北懷孟衛從國王定益都壬辰渡河畧汴京徇睢州遇
金將完顏慶善努與戰斬之金主入蔡諸軍圍之實訥
台史天澤攻城北面血戰連日金亡朝廷以實訥台功

多賜東平戶三百

按食貨志止稱東平一百戶此云三百小異

俾食其賦尋

以老病卒於東平歸葬漠北子七人瑪古岱爾烏爾圖

知名

瑪古岱爾歲戊戌從國王和爾齊行省于襄陽略地兩淮已未從渡江攻鄂州中統元年追阿勒達爾暉塔哈預有戰功二年從北征敗額呼布格於寶默溫都爾之地三年又與李璫戰有功授提舉本投下諸色匠戶達魯噶齊卒子四人和尼齊江南行臺御史大夫

烏爾圖中統三年授本軍千戶至元十年攻樊城十一年渡江有功十二年軍至建安卒於軍子托羅該徹爾襲職從參政阿嚙罕攻獨松關有功命管領侍衛軍二十年江西行省命討武寧叛賊董琦平之改授江州萬戶府達魯噶齊二十四年移鎮潮州值賊張文惠羅半天等嘯聚江西行樞密院檄討之領兵破賊寨斬賊首羅大老李尊長等尋卒於軍

烏頁爾沙卜珠氏父曰圖魯噶克察以武勇稱太祖庚

午烏頁爾與珠卜納顏克金東京有功甲戌從太師穆呼

哩取北京授北京總管都元帥

太祖紀作乙亥年二月事

留撫其人

綏懷有方自京以南相繼來降時金將達魯圖復北疆

烏頁爾以銳兵擊敗之斬達魯於軍中有趙守玉者據

興州烏頁爾討平之丙子張致以錦州叛又攻破之丁

丑興州監軍綽爾以兵叛烏頁爾往征之大破賊軍庚

辰從征山東戰於東平馳赴陷陣生挾二將以還辛巳

從征延安矢中右股力戰破之俄又取葭鄜二州擒金

梟將張鐵鎗以獻壬午克鳳翔及所屬州郡癸未從帝

親征河西明年下之乙酉從穆呼哩圍益都

按太祖紀及穆呼哩

傳俱言穆呼哩卒于十八年癸未此云二十年從穆呼哩圍益都疑誤

越二年下三十餘

城太宗即位入覲命與薩里台和爾齊征遼東下之辛

卯又與薩里台征高麗下受開龍宣泰葭等十餘城高

麗懼請和烏頁爾曰若能以子為質當休兵辛丑遣其

族子

原傳脫去族字今據太宗紀增

孛從烏頁爾來朝帝大悅厚加賜

予俾充北京東京廣寧蓋州平州秦州開元府七路征

行兵馬都元帥憲宗初召問東夷事對曰臣雖老倘藉
威靈指麾三軍敵國猶可克况東夷小醜乎帝壯其言
俄謝病歸丁巳復來朝帝憫其老謂曰自太祖時效勞

至今者獨卿無愆賜賚甚厚以都元帥授其中子阿哈明年

卒封營國公諡忠勇據元文類烏頁
爾封諡制增子四人轄哩最有名太

宗時授北京等路達魯噶齊至元七年改授河間總管

蘇布特蒙古烏梁海人按蘇布特原作述不台後
卷又有雪不台傳其事蹟

大畧相同顯係重
出今刪被存此其先世諾爾布生布古圖布古

圖三世孫和寶衮生喀巴喀巴二子長哈勒琿次蘇布特俱驍勇善騎射太祖在班珠爾河時喀巴驅羣羊以進遇盜被執哈勒琿與蘓布特繼至以槍刺之遂免父難哈勒琿以百戶從帝征柰曼立戰功蘇布特以質子事帝為百戶歲壬申攻金桓州先登拔其城丙子征默爾奇斯蘇布特請行帝壯而許之己卯至蟾河與默爾奇斯戰盡降其衆其部主輝圖奔欽察蘇布特與欽察戰於玉峪敗之壬午帝征回回國其主默呼委國而去

蘇布特追之默呼逃入海病死盡獲其所棄珍寶以獻
癸未討定欽察遂收其境又與俄羅斯部大小穆爾奇
札爾戰降之畧阿蘓部而還復從帝西征丙戌攻下薩
里輝和爾塔勒濟木等部及德順鎮戎蘭會洮河諸州
己丑太宗即位以塔瑪噶公主妻之從攻潼關失利帝
責之睿宗時在藩邸請令立功自効遂命引兵從睿宗
經理河南壬辰師集三峯山金兵圍之數匝會風雪大
作金士卒僵仆師乘之殺戮殆盡自是金軍不能復振

夏

原文作壬辰夏按本紀太宗四年二月及金師戰于三峯山三月帝還四月避暑官山俱係壬辰年事本

傳及安札爾傳均于還師之日再紀壬辰今並加改正

睿宗還駐官山留蘇布特

統諸道兵圍汴癸巳金主渡河北走追敗之復南走歸德未幾復走蔡州汴降俘其后妃及寶器以獻進圍蔡州甲午蔡州破金亡時汴梁受兵日久歲飢蘇布特縱其民渡河就食乙未太宗命諸王巴圖西征巴齊瑪克以蘇布特為先鋒巴齊瑪克聞蘇布特至大懼逃入海中辛丑討俄羅斯部遣蘇布特督戰獲其主額勒本克

托里實克城盡取俄羅斯所部而還經哈札爾山攻滿
濟勒噶部蘇布特為先鋒與諸王巴圖等五道分進戰
失利諸王欲還蘇布特曰王欲歸自歸我不至塔納河瑪
察克城不還也乃馳至瑪察克城諸王亦至遂攻拔之太
宗崩諸王大會巴圖欲不往蘇布特勸之甲辰會於伊
奇哩河丙午定宗即位既朝還圖喇河上戊申卒追封
河南王諡忠定子烏蘭哈達

烏蘭哈達初事太祖護憲宗於潛邸遂分掌宿衛歲乙

已領兵從定宗征女真國破萬努於遼東繼從諸王巴圖征欽察俄羅斯博羅爾諸部丙午又從巴圖討博羅

爾納琳穆蘇部平之戊申

原文訛作巳酉今據定宗紀改

定宗崩巴圖

與宗室大臣議立憲宗久未決烏蘭哈達曰此議已先定矣不可復變巴圖曰烏蘭哈達言是也

憲宗紀作烏蘭哈達曰巴

圖之言良是與此互異

議遂定憲宗即位明年世祖以皇弟總兵

討西南夷烏蠻白蠻鬼蠻諸國以烏蘭哈達總督軍事癸丑秋大軍自旦當嶺入雲南境摩些二部迎降遂至

金沙江烏蘭哈達分兵入察罕章蓋白蠻也所在寨柵
俱下獨阿塔刺所居半空和寨牢不可拔遣其子阿珠
擊之寨兵退走遂并其弟阿叔城俱拔之進取龍首關翊
世祖入大理國城甲寅秋分兵取附都善闡轉攻哈喇
章屠之哈喇章蓋烏蠻也前次羅部府破其大酋高昇

世宗紀作高祥地
理志作高昇泰

兵於洩可浪山下遂進至烏蠻所都

押赤城城險且堅乃大震鼓鉦進而作作而止使不知
所為如是者七日伺其困乏夜遣其子阿珠潛師躍入

斫之遂大潰至昆澤擒其國王段智興以獻又攻織寨
拔之至乾德哥城烏蘭哈達病委軍事於阿珠環城立
砲以草填塹率所部搏戰城上城遂破乙卯攻拔不花
合因阿合阿因等城及赤禿哥山寨乘勝擊破魯廝國
塔渾城又取忽蘭城魯廝國及阿伯國請降復攻阿魯
山寨進攻阿魯城克之出師二年平大理五城八府四
郡洎烏白等蠻三十七部兵威所加無不欵附丙辰征
白蠻國波麗國阿珠生擒其驍將獻俘闕下詔以便宜

取道與托克岱爾兵合遂出烏蒙趨瀘江剋禿刺蠻三
城却宋兵三萬奪其船二百艘於馬湖江遂通道於嘉
定重慶抵合州濟蜀江與托克岱爾會丁巳雲南平遣
使獻捷且請依漢故事以西南夷悉為郡縣從之加大
元帥還鎮大理遂經六盤至臨洮與大營合月餘復西
征烏蠻秋九月遣使招降交趾不報進兵壓其境國主
陳日昷廟碑作
光炳隔江列象騎步卒甚盛烏蘭哈達分軍
為三隊濟江授齊齊克圖方畧曰汝軍既濟勿與之戰伺

便奪其船必成擒矣齊齊克圖違命蠻雖敗得駕舟逸去
烏蘭哈達怒齊齊克圖懼飲藥死師入交趾為久駐計
越七日日昃請內附於是還軍押赤城戊午引兵入宋
境其地炎瘴軍士皆病烏蘭哈達亦病將旋師阿珠戰
馬為禿刺蠻所掠分軍搜訪知有三寨藏馬山顛阿珠
親率將士攀崖而上破其諸寨生擒賊首盡得前後所
盜馬乃屠押赤城憲宗遣使諭旨約明年正月會軍長
沙乃率四王騎兵三千蠻虓萬人破橫山寨闔老蒼關

徇宋內地宋陳兵六萬以俟遣阿珠與四王潛自間道
衝其中堅大敗之乘勝蹶貴州蹂象州入靜江府連破
辰沅二州直抵潭州城下潭州出兵二十萬斷我歸路
烏蘭哈達分兵夾擊破之大小十三戰殺宋兵四十餘
萬擒其將大小三人時世祖已渡江駐鄂州遣伊埒蒙
古續通鑑作瑪尼齊領兵來援遂自鄂北渡與大軍合庚申世
祖即位夏四月烏蘭哈達至上都後十二年廟碑作至元八年
卒子阿珠自有傳

阿勒楚爾永古特氏其先居雲中塞上父達袞為金羣

牧使歲辛未驅所牧馬來歸太祖終其官

按趙世延傳云太祖得其

所牧馬建袞死之語異本傳

阿勒楚爾幼鞠于外祖兆齊家訖言為

趙家因姓趙氏年十四隸皇子察罕台部嘗從大獵射

殺二虎由是以善射名皇子深器愛之甲戌太祖西征

塔實干阿里瑪圖等國以功為千戶丁亥從征積石圍

河州破臨洮攻德順所至皆立功太宗即位尊察罕台

為皇兄以阿勒楚爾為元帥戊子鎮刪丹州置驛通西

域從定關隴辛卯從圍鳳翔選死士先登拔其城斬金將
劉興格分兵攻西和州宋將疆俊領衆數萬堅壁清野以老
我師阿勒楚爾以奇兵奪其城擒俊餘衆退保仇池進
擊拔之平涼慶陽邠原寧皆降涇州復叛衆議屠之阿
勒楚爾但誅首惡師還原州降民夜亡走遣人諭之民
皆復歸豪民陳苟集數千人潛新寨諸洞阿勒楚爾偕
數騎抵寨名苟選語折矢為誓苟相呼羅拜皆降金人
守潼關攻之不克睿宗分兵由山南入金境阿勒楚爾

為先鋒趣散關宋人燒絕棧道復由兩當縣出魚關軍
沔州假道於宋興元制置使桂如淵如淵遣人導師由
武休關東抵鄧州西破小關金人大駭其平章完顏哈
達樞密使伊喇布哈帥兵相拒我師不與戰直趣鈞州
與親王阿齊台等兵合陣三峯山下阿勒楚爾先率所
部迎擊諸軍乘之金師敗績甲午金亡金將郭斌保金
蘭定會四州阿勒楚爾攻破之遂定四州金將汪世顯
守鞏州阿勒楚爾往招之世顯率衆來降拜征行大元

帥丙申大軍伐蜀皇子出大散關宗王穆濟等出陰平郡期會于成都阿勒楚爾為先鋒破宕昌殘階州攻文州數月不下謀知城中無井乃奪其汲道率勇士梯城先登拔之招徠吐蕃酋長十族畧定龍州遂與大散軍合進克成都師還而成都復叛丁酉阿勒楚爾言於宗王曰西漢陽當隴蜀之衝宋及吐蕃利於入寇宜得良將鎮之宗王曰無以易汝遂分蒙古千戶五人隸麾下以往謹斥堠嚴巡邏西南諸州不敢犯戍戍從元帥塔

爾海伐蜀克隆慶己亥攻重慶庚子圍萬州敗宋師於夔門辛丑伐西川破二十餘城成都守將開北門以納師壬寅會大軍破遂寧瀘叙等州癸卯破資州庚戌阿勒楚爾安輯涇邠二州宋制置使余玠攻興元文州降將王德新乘隙自階州叛執扈牛二鎮將領衆走江油憲宗召阿勒楚爾還舊鎮阿勒楚爾遣將直擣江油奪扈牛以歸世祖即位親王有異謀者其將阿勒達爾琿塔哈圖據關隴帝遣宗王哈坦哈必齊阿哈瑪特西討

阿勒楚爾引兵出刪丹之耀碑谷從阿哈瑪特與之合戰獲阿勒達爾琿塔哈等捷聞帝錫璽書褒美四年卒
延祐元年封秦國公諡武宣子十人徹爾國寶最知名
徹爾襲職為元帥從父攻瀘州降宋將劉整姚德後以
病廢卒國寶一名赫色侗儻有謀畧父為元帥軍務悉
以委之所至多捷從攻重慶降宋都統張實併掠合州
以歸中統元年從攻阿勒達爾有功阿勒達爾叛將輝
圖據吐蕃之達實嶺國寶出其不意擒殺之乃遣謝鼎

與弟國能持金帛說降吐蕃酋長入覲又建言文州險
阨宜築城屯兵鎮之授蒙古漢軍元帥兼文州吐蕃萬
戶府達魯噶齊時扶州諸羌未附國寶宣上威德諸酋
長皆歸款至元四年卒延祐元年封梁國公諡忠定子
世榮世延國寶將卒以世榮幼命弟安國襲職至元十
五年討叛王圖魯于六盤獲之請解職世榮帝嘉其
讓兼以六盤功進招討使世榮襲職後以功進吐蕃宣
慰使議事都元帥世延自有傳

鄂約達勒莽果人與兄烏頁俱事太祖時大疇強盛烏頁率其屬歸之鄂約達勒力止之不聽乃還事太祖太祖嘉其誠更名為色辰色辰者聰明之謂也太祖與克哱王汗對陳於哈喇沁師少不敵鄂約達勒先出陷陣大敗之至晡時猶追逐不已敕使止之乃還腦中流矢帝親傳以藥留處帳中月餘卒帝深惜之及王汗滅帝分濟勒濟沙民百戶隸其子仍令收完莽果人民之散亡者太宗思其功復以北方萬戶封其益克為郡王歲

丙申增封為二萬戶孟克卒孫珠爾噶岱竒塔特魯斯
呼圖克烏納和囉噶齊俱襲封為郡王

欽定續通志卷四百四十八

欽定四庫全書

欽定續通志卷四百四十九

列傳

元三

察蘇

布敦

特默齊

呼圖克特穆爾塔爾海

安扎爾

烏木罕

錫琳幹布

愛魯克

綽爾濟都勒幹

實喇濟蘇

哈蘇納

布扎爾

扎拉台綽和爾

庫庫布哈

巴延巴圖爾

舒庫爾

趙阿克盤

沙扎該

察蘇奈曼部人又號達魯其先迪延為奈曼部主太祖討不庭其祖庫楚類失其部落父察罕奔契丹卒察蘇尚幼與其母跋涉間行歸太祖奉中宮旨侍宮掖察蘇年二十五即從征伐破代石二州不避矢石鴈門之戰

復屢捷會太宗命睿宗平金察蘇執銳以從襲金兵于
三峯山睿宗上其功授萬戶鎮守隨州招集民戶每千
人以官一員領之後移鎮潁以疾歸大名歲戊申卒子
布敦

布敦在襁褓時父察蘇方領兵平金與其祖母喀喇氏
在三皇后宮庭察蘇卒母張氏迎布敦以歸張嘗從容
訓之曰人有三成人知恐懼成人知羞耻成人知艱難
成人否則禽獸而已布敦因受教唯謹甲寅襲父職為

副萬戶鎮守隨潁等處布敦善刀舞尤精騎射士卒咸畏服之世祖即位委任尤專授壽潁二州屯田府達嚕噶齊為民除虎害至元十三年授明威將軍信陽府達嚕噶齊十六年進宣威將軍常德路副達嚕噶齊會同知李明秀作亂布敦單騎往招之諭以朝廷恩德明秀遂與俱來布敦聞于朝明秀伏誅賊遂平三十一年遷池州路達嚕噶齊大德十三年進昭勇大將軍台州路達嚕噶齊卒

特默齊赫呀氏善騎射初事呼蘭皇后帳前嘗命為扈馬官從太祖定西夏太宗朝從皇子庫春呼圖克行省特默塔拉定河南累有戰功憲宗伐宋世祖以皇弟受命攻鄂聞烏蘭哈達由廣西至長沙遣特默齊將兵迎之烏蘭哈達得援抵江夏北涉黃州特默齊與有力焉世祖即位命從征叛王于寶默圖之地勞績益著至元七年授蒙古諸萬戶府鄂囉總管十九年以疾卒子八人呼圖克特穆爾最顯

呼圖克特穆爾好讀書與學士大夫遊字之曰漢卿仁宗嘗顧左右曰呼圖克特穆爾字漢卿漢名卿不讓也其母姓劉氏故人又稱之曰劉漢卿至元十一年從丞相巴延渡江既取宋遣視宋故宮室護帑藏諭下明越等州從平章鄂囉入覲授總把二十二年

按下文敘二十一年從征

交趾二十二年事不應送敘于前疑是十二年事

授荊湖占城等處行中書省

理問官嘗以軍事入奏敷陳警捷世祖大悅平章政事程鵬飛建議征日本奏呼圖克特穆爾為征東省郎中

及還丞相阿爾哈雅以湖廣行省機密事重舍呼圖克
特穆爾無可用者遣郎中伊嚕伊納克奏留從之二十一
年從皇子鎮南王征交趾比還鄂時權臣方擅威福遂
退處于家二十八年詔太傅右丞相順德王達爾罕擒
權姦于鄂達爾罕遂拜湖廣行中書省平章政事詢舊
人知方面之務者衆薦之遣使驛致武昌奏事京師擢
給事中居再歲擢提刑按察司改肅政廉訪司臺臣奏授
廣西海北道副使陞辭仍留舊職既而湖廣行省平章

章政事劉傑奏伐交趾

按世祖紀至元三十年命劉國傑從諸王亦吉里督諸軍征交

趾考劉國傑傳與紀相符本傳恐有脫誤

造戰舡五百于廣東以呼圖克特穆

爾督匠南方事既集帝崩遷福建行省郎中湖南宣慰

副使峒酋岑雄叛奉詔開諭頑獷帖服改河南行中書

省郎中同僉樞密院事拜禮部尚書大臣奏覈實江南

民田呼圖克特穆爾奉詔使江西以田額舊定重擾民

不便置不問止奏置茶酒局及增中統課緡五十萬轉

兵部尚書未幾命為荆湖道宣慰使已命復留之延祐

三年大臣以浙東倭奴商舶貿易致亂奏遣呼圖克特
穆爾宣慰閩浙撫戢兵民海陸靜謐從子塔爾海

塔爾海世祖時從托克托呼充哈喇齊至元二十四年
扈駕征納顏二十六年入覲帝命充博囉齊扈駕至和
林賜濟遜冠服大德四年授中書直省舍人遷中書客
省副使武宗即位進和林行省理問所官改通政僉院
歷和寧路總管改汴梁先是朝廷令民自賣田土有司
繩以峻法民多逃竄流移者塔爾海言其弊于朝由是

省民間虛糧二十二萬民賴以安後改任廬州時有飛蝗北來塔爾海禱于天蝗乃引去民乏食開廩減直糶之所活甚衆天歷元年授僉書樞密院事未幾西軍犯南陽督諸衛兵往平之進大都督累官資善大夫

安扎爾托卜氏嘗扈從太祖南征歲丙子復從定諸部有功命領蒙古軍為前鋒時穆呼哩為太師國王都行省承制行事兵臨燕遼營青齊魯趙韓魏皆下歲己卯河中府降兵北還以安扎爾領前鋒總帥仍統所部兵

屯平陽以備金攝國王事時金將赫舍哩氏擁兵數為邊患然畏安扎爾威名不敢輕犯其境歲壬午元帥石

天應守河中府屯中條山金將侯小叔

原文作金侯將軍今依續通鑑

改正率兵襲之城陷天應死焉遂燔其城屠其民將趨中

條安扎爾進兵擊之斬首數萬逃免者僅十數穆呼哩卒詔以子博囉襲其爵時平陽重地令安扎爾居守庚寅博囉由雲中圍絳州赫舍哩引兵襲其後博囉戰失利輜重人口皆陷沒安扎爾妻訥迪氏亦被獲拘于大

梁金主聞安扎爾威名召訥迪氏謂曰今縱爾還能偕爾夫來當厚賞納迪氏佯諾之遂得還太宗聞而義之召見褒賚甚厚遂詔預其夫前鋒事帝征潞州鳳翔敗

金將完顏哈達于三峯山三月

原文作明年壬辰春三月誤今依太宗紀刪正

帝班師北還命偕都元帥蘇布特圍汴城中識安扎爾旗幟懼曰其妻猶勇且義况其夫乎甲午金亡詔封功臣賜平陽戶六百一十有四驅戶三十獵戶四未幾以疾卒子二曰莽哈曰珠勒齊格爾至元十五年莽哈為

管軍千戶二十四年從征納顏二十六年從征海都二
十七年宣授蒙古侍衛親軍千戶元貞元年命領特默
齊軍偕赫伯元帥從宗王徹伯爾西征改授昭信校尉
右都威衛千戶大德元年召還至大四年卒子奈曼襲
珠勒齊格爾入宿衛從世祖征鄂漢以功賜白金至元
三年從征李璫戰死之子庫庫楚為御史臺都事至元
三十一年國王蘇肯徹爾之子寶迪既沒家有故璽將
鬻之命庫庫楚以示中丞崔彧御史楊桓辨其文曰受

命于天既壽永昌蓋秦璽也或請獻之徽仁裕聖皇后
成宗即位近臣以其事聞授庫庫楚漢中廉訪僉事任
至湖南廉訪使

烏木罕蒙古巴喇呼岱氏與父布格齊俱事太祖征伐
有功帝嘗問攻城畧地兵仗何先對曰攻城以砲石為
先力重而能及遠故也帝悅即命為砲手歲甲戌太師
國王穆呼哩南伐帝諭之曰烏木罕言攻城用砲之策
甚善汝能任之何城不破即便為隨路砲手達嚕噶齊

烏木罕選五百餘人教習之後定諸國多賴其力太宗
即位留為近侍以講武藝壬辰從攻河南有功壬子憲
宗授為都元帥癸丑從宗王錫里庫征拉里西番斜巨
山桃里寺河西諸部悉下之卒子圖們岱爾以從戰功
襲砲手總管至元十年修立正陽東西二城置砲二百
餘座與宋人戰却之十三年從丞相巴延伐宋駐軍臨
安之輦亭山同蒙古岱等八人率甲三百入宋宮取傳
國寶宋太后請解兵延見內殿期明日奉寶乞降至期

果遣賈餘慶等奉寶至軍前

按世祖紀十三年正月宋主遣戶甫吉甫等齎傳國

玉璽及降表詣軍前三月安塔哈阿嚙罕詣宋主宮趣宋主同太后入覲叙次與本傳互異

以功授

行省斷事官復令其子呼圖克岱爾襲砲手總管十四年進砲手萬戶鎮平江之常熟有叛民擁衆自號太尉者行省會諸軍討之呼圖克岱爾父子自為一軍奮戈陷陣斬賊酋戴太尉擒朱太尉帝嘉其功十五年兼平江路達魯噶齊尋遷徽州湖州卒呼圖克岱爾後陞砲手萬戶改授達魯噶齊卒

錫琳幹布唐古人錫琳氏太祖時命同呼圖克特穆爾
招諭沙州州將偽降設伏以待首帥至伏發馬躓幹布
以所乘馬與首帥使奔自乘所躓馬而殿帝聞之曰卿
臨死地而易馬與人何也幹布對曰小臣陣死不足重
輕首帥乃陛下噐使宿將不可失也帝以為忠歲乙未
定宗憲宗皆以親王與蘇布特征西域明年啓行幹布
亦在中又明年從諸王巴圖征俄羅斯至額里齊城大
戰七日拔之己亥至烏蘇默奇斯城負固久不下明年幹

布率敢死士十人躡雲梯先登大呼城破矣衆蟻附而上遂拔之賜西馬西錦錫名巴圖爾明年班師授千戶尋遷斷事官丙午定宗即位進秩大名路達魯噶齊憲宗以布扎爾來蒞行臺命幹布同署既又出監大名己未世祖南征供給軍餉以疾輿歸卒于家子愛魯克

愛魯克襲為大名達魯噶齊至元五年從雲南征金齒諸部斬千餘級諸部震服六年再入定其租賦平火不麻等二十四砦七年改中慶路達魯噶齊兼管爨楚軍

十三年詔開烏蒙道帥師至玉連等州所過城砦未附者盡擊下之十四年忙部也可不薛叛討平之遷廣南西道左右兩江宣撫使兼招討使十六年遷雲南諸路宣慰使副都元帥十七年復立雲南行省拜參知政事十八年烏蒙羅佐山白水江蠻叛復討平之十九年召詣闕進左丞也可不薛復叛詔與西州都元帥伊蘇岱爾湖南行省托里齊會師進討禽也可不薛送京師

按經

世大典云愛魯克等進兵伊蘇岱爾曰我等可回糧乏瘴起不便事開命藥刺海守其地久之賊窮困遂納款

與本傳
互異

二十二年烏蒙阿叛與右丞拜達勒往征之分
道進擊生擒阿蒙以歸二十四年進右丞復改行尚書
右丞鎮南王征交趾詔愛魯克將兵六千人從之大小
一十八戰乃至其王城與諸軍會戰又二十餘合功為
多二十五年感瘴癘卒贈平章政事諡毅敏子嘉琿中
書平章政事請于朝贈其祖錫琳甘布太師諡貞獻加
贈愛魯克太師追封魏國公改諡忠節

綽爾濟都勒幹蒙古克呼氏從太祖征奈曼西夏有功

命為太師國王穆呼哩前鋒歲辛未破遼東西諸州唯
東京未下獲金使遣往諭之綽爾濟都勒幹曰東京金
舊都備嚴而守固攻之未易下請易服與其使偕往說
之俟其門開繼以大軍赴之則可克矣卒如其計拘地
河北攻大名大小數十戰城垂陷中流矢卒武宗時贈
太傅追封衛國公諡武敏子薩奇森布哈嗣將其軍太
宗元年己丑安輯河北山東諸州時史天澤為真定河
間濟南東平大名五路萬戶庚寅命薩奇森布哈以總

師行省監其軍金宣宗之徙都于汴也立河平軍於新衛以自固薩奇森布哈數攻不拔壬辰太宗自白坡濟河而南睿宗由峭石灘涉漢而北薩奇森布哈渡自河陰至鄭鄭守馬伯降及金義宗出奔帝命薩奇森布哈追之會其節度薩尼雅布棄衛入汴薩奇森布哈遂據而有之義宗自黃陵岡濟河謀復衛薩奇森布哈與其將博索戰敗之義宗竄歸德薩奇森布哈追躡其後薄北門而軍癸巳四月其將官努夜來斫營腹背受敵薩奇

森布哈一軍皆沒嗣國王塔斯承制以其弟明安岱爾
領其行營尋有旨以為蒙古漢軍萬戶明安岱爾善
騎射從征淮安因糧於敵未嘗匱乏癸丑憲宗遣從實
勅們太子南伐死于鈞州五子長都呼幼布呼齊都呼
從世祖北征叛王挺戈出入其陣帝壯之賜號巴圖爾
及平李璫之亂亦有戰功布呼齊仕為光祿大夫徽政
使金亡分封功臣賜新衛民二百戶薩奇森布哈謚忠
武明安岱爾謚武毅爵皆衛國公

實喇濟蘇幼從太祖征回回河西諸國俱有戰功太宗時從睿宗西征師次京兆府會伊埒哈達作亂實喇濟蘇挺身斫賊陣下馬搏戰賊衆披靡睿宗嘉其功妻以侍女薩古台世祖尤愛之軍旅田獵未嘗不在左右子達春為博囉齊德濟鄂爾多千戶達春子遷嘉努色埒默遷嘉努從征納顏力戰而死帝命籍納顏人口財物以賜之色埒默年十六從世祖討額埒布格有功賜號巴圖爾授光祿少卿仍襲為德濟鄂爾多千戶改同僉

宣徽院進僉院事以管軍千戶從征納顏有功復入為同知宣徽院事成宗時拜宣徽使加大司徒卒

哈蘇納奇雅喇氏太祖時從征王汗有功復管領鄂爾根軍從太祖征西域下賽瑪爾堪布哈爾等城至太宗時授平陽太原兩路達嚕噶齊後以疾卒子訥古伯襲從憲宗攻釣魚山有功以疾卒

布扎爾蒙古多托爾台氏父諾爾節善騎射能造弓矢嘗因拜諾延見太祖視所挾弓矢甚佳問誰為造者對

曰臣自為之適有野鳧翔于前射之獲其二并以二矢獻而退拜諾延至所居見布扎爾奇之妻以女父子遂俱事太祖嘗從征討賜諾爾節巴圖爾名從征回回俄羅斯等國布扎爾奮身力戰身中數矢悶仆幾絕太祖命取一牛剖其腹納布扎爾于牛腹浸熱血中移時遂甦諾爾節卒憲宗以布扎爾為大都行天下諸路伊克扎爾古齊印造寶鈔又賜蔚州定安為食邑布扎爾卒子五人長好禮事世祖備宿衛會丞相巴延伐宋以功

授水軍翼萬戶府達嚕噶齊拜特穆爾吏部尚書巴爾
塔斯雲南宣慰使布呼齊襲父職為水軍翼萬戶招討
使伊嚕鄂勒哲布哈遼陽省理問

扎拉台綽和爾初事太祖時有哈喇齊薩勒珠特都爾
本塔塔爾鴻吉哩伊奇喇斯等謀奉扎木哈克為帝將
不利於太祖綽和爾知其謀馳告太祖遂以兵誅扎木

哈克等

按太祖本紀帝起兵逆戰于哈里雅爾台
和囉嚕之地破之扎木克脫走與傳互異惟鴻

吉哩入降太祖賜以達爾罕之名子納沁事世祖為伊

克扎爾古齊納沁歿子巴克繖襲巴克繖卒子呼噲古
台襲致和元年執都爾蘇起軍之使察罕布哈并其金
字圓牌以獻嘗奏言有犯法者治之當自貴人始窮乏
不給者救之當自下始其言良切於事竊云

庫庫布哈向勒坦塔喇氏以善射知名歲庚寅太祖
命穆呼哩伐金分特默齊為五部庫庫布哈為五部前
鋒都元帥以威信懷附所至無殘破略定濱隸諸州俘
獲焦林諸處民四百餘籍其姓名遣歸鄉里徇益都守

將降得其財物馬畜悉分賜士卒後從太宗渡河攻汴
梁歸德分兵渡淮攻壽州守將無降意射書城中諭之
城中人感泣以綵輿奉金公主開門送款庫庫布哈下
令軍中輒入城虜掠者死城中帖然公主義宗之姑也
歲丙申太宗命五部將分鎮中原括其民匠得七十二
萬戶以三千戶賜五部將庫庫布哈鎮益都濟南得分
戶六百立官治其賦得薦置長吏歲從官給其所得五
戶絲以疾卒子和托代領特默齊為元帥從巴延取宋

道死子托噶瑪勒襲

巴延巴圖爾蒙古扎拉台氏幼事太祖賜名巴圖爾太
宗領扎拉軍一千六百人與塔海斡布同征關西有功

憲宗命與阿陶總帥汪德臣

按憲宗紀及續通鑑載治
利州城係汪德臣事德臣

世顯子也原文誤
作世顯今據改

創立利州城領兵紫金山破宋軍鹿

角寨從都元帥耨埒城成都及領兵圍雲頂山下其城
帝親征留鎮成都降屬縣諸城得其民悉撫安之諸王
哈坦納爾琿托克托等征大理還命領兵迎之道過新

津寨與宋潘都統遇戰敗之中統二年授蒙古鄂囉官
至元六年告老孫鄂摩克台代其軍從行省伊蘇岱爾
征諸國有功十六年從大軍征鄂端又有功二十一年
諸王珠卜命鄂摩克台往喀實噶爾之地為遊擊軍時
敵軍二千餘鄂摩克台以勇士五十人與戰擒其將額
布根和卓以獻王壯之授蒙古軍萬戶三十年卒

舒庫爾默爾吉特氏太祖時命同飲班珠爾河之水扈
從親征已而從破信安畧地河西復從伐金破河南太

宗命領濟南大名信安等處軍馬復從國王達實出征
歲辛亥卒子巴圖襲巴圖卒子呼圖克襲移睢州從世
祖渡江攻鄂還鎮思州中統三年從征李璫有功尋命
修立邳州城領兵鎮兩淮十一年從巴延渡江有戰功
又從董文炳沿海出征還鎮嘉興行安撫事十六年授
浙西道宣慰使加招討使奉詔征占城以其國降表貢
物入見帝嘉之二十四年從征交趾明年還師授邳川
萬戶府萬戶三十年没于軍

趙阿克盤圖伯特烏思臧多族氏始附宋賜姓趙氏世居臨洮祖巴莽富甲諸羌父阿克昌金貞祐中以軍功至熙河節度使金亡來歸皇子庫騰之鎮西土也承制以昌為壘州安撫使時兵興城無居人至則招逃亡立城壘課耕桑以安輯之卒于官阿克盤事親以孝聞從代蜀破大安功最授同知臨洮府事斬朝天關乘嘉陵江至閬州獲蜀船三百艘攻利州生得其劉太尉戰敗宋師于潼川宋制置使劉雄飛進攻青居山阿克盤擊

之宵潰四川大震進逼成都畧嘉定平峨眉太平寨擒
其將陳侍郎田太尉餘衆悉降大小五十餘戰皆先陷
陣歲壬子世祖以皇弟南征大理見而奇之命攝元帥
城益昌憲宗出蜀以為選鋒攻西安下之授臨洮府元
帥帝駐釣魚山合州守將王堅夜來斫營阿克盤率壯
士逆戰手殺數百人堅遂引去賜名曰巴圖爾中統建
元詔還鎮臨洮歲饑發私廩以賑貧乏給民農種粟二
千餘石蕪菁子百石人賴不饑郡當孔道傳置旁午有

司敝于供給阿克盤以私馬百匹充驛騎羊千口代民
輸帝嘉之詔酬其直阿克盤曰我豈以私惠邀公賞耶
卒不受以軍事赴青居山道為宋兵所邀遂死于敵諡
桓勇子重喜始給侍皇子庫騰為親衛從世祖征哈喇
章數有功中統元年從征瑋塔哈以功授征行元帥四
年從討呼圖克德濟沁卜珠岱等克之遷臨洮府達魯
噶齊重喜在郡勸農興學省刑敦教以善治聞請致仕
不許詔其長子袞吹嘉勒襲為達魯噶齊陞重喜鞏昌

二十四處宣慰使卒謚桓襄袞吹嘉勒情靖退辭官閑處二十餘年仁宗聞其名召不起子德壽雲南左丞

沙扎該薩木坦氏弱冠宿衛太祖帳下從征西域諸國有功太宗時充益都行省軍民達嚕噶齊從太師達春破徐州擒金帥國用安丁酉遷京兆行省都達嚕噶齊至懷值大疫士卒困憊詔以本部兵就鎮懷孟己亥同僚王榮潛畜異志欲殺沙扎該伏甲繫之斷其兩足跟以帛緘口置佛祠中沙扎該妻實喇巴爾率衆攻榮家

奪出之。沙扎該畏瘡，從二子馳旁郡，請兵討榮，殺之。朝廷遣使以榮妻孥資產賜沙扎該家，且盡驅懷民萬餘口郭外，將戮之。沙扎該力爭曰：「為惡者止榮一人，其民何罪？若果盡誅，徒守空城，何為苟朝廷罪使者以不殺？請以身當之。」使者還奏，帝是其言。民賴不死。沙扎該給榮妻孥券，放為民，遂以其宅為官廨。秋，毫無所取。郡人德之，尋卒。皇慶初，贈溫國公，諡忠襄。子昂，阿喇襲。

欽定續通志卷四百四十九

欽定四庫全書

欽定續通志卷四百五十

列傳

元四

巴哩珠阿勒坦德

和斯摩哩

阿喇勒烏蘇

哈勒噶齊必魯

額琳特穆爾

塔塔圖該

伊琳特穆爾

莽吉蘇

博囉哈雅

賽音諤德濟沙木斯鼎

尼雅斯拉鼎
呼遜

巴哩珠阿勒坦德濟伊都呼伊都呼者高昌國主號也
先世居輝和爾之地曰布克汗傳三十餘君是為伊囉
勒德濟數與唐人相攻戰久之議和親以息民於是唐
以金蓮公主妻伊囉勒德濟之子格呀勒德濟伊囉勒
德濟卒乃遷於交州居九百七十餘載按金蓮公主降
格呀勒德濟唐
書公主傳及文獻通考所紀和蕃公主俱不載無可紀
其年然自唐高祖之初至宋帝昺之末不過七百餘年
耳而此處已云九百七十餘載然則原傳所云樹癭裂
而得嬰兒焚福山以弱其國尤不足信也姑刪存其畧

以見世系之所自起云

至巴哩珠阿勒坦德濟臣於契丹歲己己

聞太祖興朔方遂殺契丹所置監國等官欲來附未行

帝遣使使其國巴哩珠阿勒坦德濟

按史原傳巴哩珠阿勒坦德濟及其

孫和爾濟哈喇德濟並稱

伊都呼今各改從其名

大喜即遣使入奏願率部衆

為臣是時帝征迪延汗射其子托克托殺之托克托之

子達都齊拉衮等將奔巴哩珠阿勒坦德濟不納遂與

戰於禱河巴哩珠阿勒坦德濟遣其國相來報帝復遣

使還諭遂以金寶入貢辛未朝帝于吉魯爾河奏曰臣願得

與陛下四子之末竭犬馬之力帝感其言使尚公主伊
埒鄂端且得序於諸子與哲伯納顏征哈瑪爾蘇爾坦
回回諸國將部曲萬人以先紀律嚴明所向克捷又從
帝征尼沙布爾征河西皆有大功既卒而次子諤格埒
齊德濟嗣諤格埒齊德濟卒子茂穆爾德濟嗣將萬人
從憲宗伐宋合州攻釣魚山有功還火州卒至元三年
世祖命其子和爾齊哈喇德濟嗣為伊都呼海都特們
德爾之亂輝和爾之民遭亂解散詔命和爾齊哈喇德

濟收撫之其衆復輯十二年都勒幹布斯必等率兵圍
火州和爾齊哈喇德濟誓死不從圍六月不解都勒幹
以書繫矢射城中曰能以女與我我則休兵其民請與
之和爾齊哈喇德濟曰吾豈惜一女而不以救民命然
終不能與之相見以其女伊埒伊克默色必濟厚載以
酋引繩縋城下而與之都勒幹解去其後入朝帝嘉其
功妻以公主曰巴克巴噶爾定宗女也還鎮火州屯於
州南北方軍忽至大戰力盡遂死之子納琳德濟尚幼

詣闕請兵北征以復父讐帝壯其志妻以公主曰布爾罕太宗孫女也公主薨又尚其妹曰巴拜徹爾會吐蕃圖沙瑪作亂詔以平章政事領本部探馬等軍萬人鎮吐蕃宣慰司民賴以安武宗名還嗣為伊都呼復署其部押西護司之官仁宗朝加封高昌王別以金印賜之其王印行諸內郡伊都呼印行諸輝和爾之境巴拜徹爾公主薨復尚公主曰烏拉戩安西王女也

高昌王世
燕碑云安

西王阿南
達之女也

領兵火州復立輝和爾城池延祐五年卒子

二人長曰特穆爾布哈次曰齊吉皆巴拜徹爾公主所
生特穆爾布哈大德中尚公主曰多爾濟斯滿庫騰太
子孫女也至大中從父入覲備宿衛又事皇太后於東
朝領大都護事出為鞏昌等處都總帥達魯噶齊奔父
喪於永昌請以王爵讓其叔父奇徹台叔父力辭乃嗣
為伊都呼高昌王至治中領甘肅諸軍仍治其部奉定
中台還與威順王庫春布哈宣靖王邁努靖安王扣布
哈分鎮襄陽俄拜開府儀同三司湖廣行省平章政事

文宗召至京師佐平大難天歷元年拜開府儀同三司
上柱國錄軍國重事知樞密院事明年以舊官勲封拜
中書佐丞相加太子詹事復拜御史大夫其弟齊吉嗣
為伊都呼高昌王

和斯摩哩西域古則鄂爾多人初為遼西庫祿汗近侍
後為古則鄂爾多所屬喀三拜斯哈勒長官太祖征西
和斯摩哩率喀三等城酋長迎降帝命從大將哲伯為
先鋒攻奈曼克之斬其主庫楚類哲伯令和斯摩哩特

庫楚類首往徇諸城皆望風降附又從征尼沙布爾城
諭下之帝親征至賽瑪爾堪與其主扎拉鼎合戰敗之
追襲扎拉鼎等於阿尔噶城又敗之追至哈克繖城西
寨又敗之扎拉鼎逃入於海和斯摩哩收其珍寶以還
取伊嚕格勒德沁兩城繼而哈克繖亦下帝遣使趣哲
伯疾馳以討欽察命和斯摩哩招諭奇爾台實喇烏蘇
等城悉降至庫爾哲部及阿克蘇部以兵拒敵皆戰敗
而降又招降赫林城進擊俄羅斯於題勒山克之尋征喀

喇又敗其軍進至欽察亦平之軍還哲伯卒會帝親征河西和斯摩哩持所獲珍寶迎見於阿拉斯布拉斯帝就以所進金寶賜之仍命與色辰額呼為筆且齊又從

太祖征汴至懷孟令領鄂囉事歲壬辰太宗

按本紀太宗四年壬

辰帝由白坡渡河攻克鈞州獲金將哈達原傳統叙于太祖征汴之下今依太宗紀補正由白坡渡黃

河攻金將哈達敗之授懷孟州達魯噶齊癸巳金將強元帥圍懷州和斯摩哩率其衆力戰金兵退又遣富察哈納赫舍哩扎魯招諭金總帥范真來降己亥帝以和

斯摩哩從軍西域宣力居多命其長子諾綽巴襲為懷
孟達魯噶齊次子穆里濟襲為筆且齊令和斯摩哩為
扎爾古齊歸西域大帥察罕行省特們德爾奏留之帝
允其請庶子進懷孟河南二十八處都達魯噶齊所隸
州郡不從者制令藉其家乙卯卒子穆里濟復為懷孟
達魯噶濟中統三年從攻淮西與宋戰死

阿喇勒烏蘇回鶻巴鄂爾氏任其國為千夫長太祖征
西域率其部衆來降從帝親征既破翰海軍又攻輪臺

高昌于闐塔實于等沒於軍子阿喇丹從世祖北征有
功至元二十九年卒壽一百二歲子沙木斯鼎有子五
人長烏瑪喇次博貝次實都次阿哈瑪特次額森博貝
驍勇善騎射歷事成宗武宗仁宗數被寵遇積官榮祿
大夫三珠虎符子阿都瑪勒襲職致和元年自上都逃
來丞相雅克特穆爾任為裨將率壯士百人圍穆爾特
穆爾等於托囉克台驛擒之以獻天歷元年充行院同
僉從擊呼喇台滿濟勒噶等軍於盧溝橋敗之進樞密

院尋以隆鎮衛都指揮使兼領拱衛司

哈勒噶齊必嚕輝和爾人也性聰敏國王約蘇特穆爾
聞其名徵為斷事官約蘇特穆爾卒其子幼西遼主珠
爾汗遣使據其國且召哈勒噶齊必嚕為諸子師後歸
太祖一見大悅即令諸皇子受學焉仍令其子伊德實
伊納克以質子入宿衛從帝西征至巴賓伯里東獨山
見城空無人帝問其故對曰往歲大饑民皆流移然此
地當北來要衝宜耕種以為備臣願移居此於是父子

皆留居焉後六年太祖西征還見田野墾闢民物繁庶
大悅問哈勒噶齊必魯則已死矣迺賜伊德實伊納克
都督印章兼獨山城達魯噶齊伊德實伊納克卒子奇
徹森和拉太宗時襲爵賜號達爾罕子四人曰塔塔爾
曰賀珍曰和爾斯滿曰裕勒斯滿世祖命和爾斯滿從
舒蘇德濟鎮雲南裕勒斯滿事憲宗襲父爵後徙平涼
與其子諳達默色特穆爾入覲世祖詔入宿衛為筆且
齋命從安西王莽噶拉出鎮六盤成宗即位授汝州達

嚙齋積官秘書大監卒子額琳特穆爾

額琳特穆爾善國書多聞識歷事累朝繇翰林待制累遷學士承旨英宗時日侍左右陳說祖宗以來及古先哲王嘉言善行翻譯諸經紀錄故實總治諸王駙馬蕃國朝會之事天歷初北迎明宗入正大統帝曰此朕師也三年進知經筵事子沙班刺累拜中書平章政事大司徒宣政院使

塔塔圖該輝和爾人也性聰慧通本國文字奈蔓迪延

汗尊之為傳掌其金印太祖西征柰曼國亡塔塔圖該
懷印逃去俄就擒帝問是印何用對曰出納錢穀委任
人材皆用之以為信帝善之命居左右是後凡有制旨
始用印章仍命掌之命教太子諸王以輝和爾字書國
言太宗即位命其妻為皇子哈喇徹爾乳母時加賜予
塔塔圖該諭諸子曰上以汝母鞠育太子賜予甚厚汝
等當先供太子用有餘則可分受帝稱其廉數加禮遇
以疾卒至大元年追封鴈門郡公子四人長永和爾默

色次隆和默色次索羅該次多爾瑪永和爾默色少有
勇畧瑋塔塔叛率其衆與戰敗之追至卓巴勒適遇阿
勒達爾合兵復戰死之隆和默色有膂力嘗獵於野遇
盜三人搏之盡仆遂縛以還帝名見選力士與之角無
與敵者帝壯之令備宿衛索羅該襲父職多爾瑪舊事
皇子哈喇徹爾世祖即位從其母入見欲官之以無功
辭命統宿衛奉使遼東卒封鴈門郡公子阿必實克陝
西行省平章政事

伊琳特穆爾回鶻人輝和爾國相多伊克之裔也其兄
必里克布哈年十六襲國相達爾罕時西契丹命太師
僧沙克嘉來臨其國驕恣奢淫輝和爾王患之謀於必
里克布哈率衆圍沙克嘉斬之以功加號必里克呼爾
敦左右有疾其功者譖於王曰沙克嘉珥珠先王寶也
必里克布哈匿之王怒索寶甚急必里克布哈度無以
自明乃亡附太祖賜食三十三郡尋卒弟伊琳特穆爾
從太祖征討多戰功皇弟鄂齊錦求師傅帝命伊琳特

穆爾往訓導諸王子以孝弟敦睦仁厚不殺為先帝聞而嘉之從平河南授河南等處軍民都達嚕噶齊所得上方賞賚悉輦歸故郡以散親舊且盛陳漢官儀衛以激厲之道出河西所過榛莽或時乏水為之鑿井置墩居民使客相慶稱便太宗即位選充大斷事官從鄂齊錦出鎮順天等路布德化寬征徭盜遁姦革州郡清寧尋復監河南等處軍民卒于保定謚莊簡子合刺布哈見忠義傳

莽吉蘇輝和爾人世居巴賓伯里古北庭都護之地年十五盡通本國書太祖召至闕下一見大悅以授睿宗使視顯懿莊聖皇后分邑歲賦復事世祖於潛藩日見親用憲宗崩莽吉蘇言於世祖曰太祖嫡孫唯王最長且賢宜即皇帝位諸王塔齊爾等咸是其言世祖即位眷顧益重南征時與近臣布札爾為斷事官及諸王額呼布格叛相拒漠北布札爾有二心莽吉蘇奏徙之中都帝以為忠數命收召豪俊凡所引薦皆極其選詔與

安圖並拜丞相固辭帝語安圖及丞相巴延等曰賢哉
莽吉蘇求之彼族誠為罕也莽吉蘇為人剛嚴謹信蚤
居帷幄謀議世莫得聞至元四年卒謚敏惠武宗朝追
封武都王改謚智敏子九人多至大官

博羅哈雅輝和爾人也祖伊勒必哈雅父濟達哈雅俱
以功為其國世臣博囉哈雅幼孤依舅氏家就學未幾
善其國書尤精騎射年十八隨其主內附充宿衛太祖
西征扈從有功帝以吉魯汗女舒穆魯氏配之太祖崩

總理燕京財幣莊聖太后聞其廉謹求之太宗命統中
宮軍民匠戶之在燕京中山者授真定路達魯噶齊卒
卯拜燕南諸路廉訪使未幾授斷事官得專生殺時有
民誤毆人死吏論以重法其子號泣請代博囉哈雅戒
吏使擒於市懼則殺之既不懼乃曰誤毆人死情有
可宥子而可孝義無可誅遂併釋之征討之際隸軍籍
者往往募人代行又軍中多逃歸者朝廷下制募代者
杖百逃歸者死命博囉哈雅按順天等路募者聞命潛

遣家人易代者博囉哈雅歎曰募者已懼罪往易逃者
因單弱思歸情皆可矜遂奏其狀皆得輕減有丁多產
富而家人不往及未至役所而即逃者則曰此而不殺
何以戒後其執法平允類如此世祖即位擇信臣宣撫
十道使真定真定富民出錢貸人者不踰時倍取其息
博囉哈雅正其罪使償息如本而止後定為令中統鈔
法行以金銀為本本至乃降新鈔時莊聖太后已命取
真定金銀由是真定無本鈔不可得博囉哈雅遣人謂

平章王文統曰真定南北要衝之地居民商賈甚多今
舊鈔既罷新鈔不降何以為政且以金銀為本豈若以
民為本太后之取金帛以賞推戴功也其為本不亦大
乎文統不能奪立降鈔民賴以便俄遷順德等路宣慰
使至元二年卒博囉哈雅性孝友造大宅於燕京迎母
事之得祿不入私室幼時叔父阿勒巴哈雅欺之盡有
其產及貴顯築室宅旁迎居之終無間言初博囉哈雅
拜廉使命下之日子希憲適生喜曰吾聞古以官為姓

天其以廉為吾宗之姓乎故其子孫皆姓廉氏大德初
追封魏國公諡孝懿子希閔希憲希恕希尹希顏希愿
希魯希貢希中希括孫五十三人登顯仕者代有之希
憲自有傳

賽音諤德齊沙木斯鼎一名烏瑪喇回回人拜阿布勒
之裔其國言賽音諤德齊猶華言貴族也太祖西征率
千騎迎降命入宿衛從征伐以賽音諤德齊呼之而不
名太宗時為燕京斷事官憲宗即位命行六部事遷燕

京路總管多惠政擢採訪使帝伐蜀主饋餉未嘗闕乏
世祖即位立十路宣撫司擢燕京宣撫使中統二年拜
中書平章政事至元元年置陝西五路西蜀四川行中

書省

按百官志中統元年以高挺領秦蜀五路四川行
省事三年改立陝西四川行中書省治京兆至元

十八年以陝西行中書省分
省四川本傳所云與志互異出為平章政事蒞官三年

戶鈔日增詔褒之七年分鎮四川宋將咎萬壽守嘉定
與賽音諤德齊軍對壘一以誠意待之不為侵掠及賽
音諤德齊名還萬壽請置酒為好左右皆難之賽音諤

德齊竟往不疑酒至左右復言未可飲賽音諤德齊笑
曰若等何見之小耶咎將軍能毒我其能盡毒我朝人
乎萬壽歎服八年命行省事於興元專給糧餉十一年
命撫雲南受命退朝即訪知雲南地理者並圖其山川
城郭驛舍軍屯以進帝大悅遂拜平章政事行省雲南
時宗王圖古勒方鎮雲南

按世系及諸王表雲南王和克
齊世祖第五子也此云圖古勒

互 惑於左右之言恐奪其權具甲兵以備賽音諤德齊

乃遣其子尼雅斯拉昂先至王所請曰天子以雲南守

者非人致諸國背叛故命臣來安集之今未敢專願王遣人共議王聞遽罵其下曰吾幾為汝輩所誤遂遣親臣蘇默烏克哈納等至賽音諤德齊款宴甚歡且曰二君雖宗王親臣未有名爵不可以議國事欲各授行省斷事官未敢擅授令一人先稟王王大悅由是政令一聽賽音諤德齊所為十二年奏宣慰司兼行元帥府事並聽行省節制又奏置令長並從之十三年以所改郡縣上聞雲南俗無禮儀男女往往自相配偶親死則火

之不為喪祭無杭稻桑麻子弟不知讀書賽音諤德齊
教之拜跪之節婚媾行媒死者為棺槨祭奠教民播種
為陂池以備水旱創建孔子廟明倫堂購經史授學田
由是文風稍興雲南民以貝代錢是時初行鈔法民不
便之賽音諤德齊聞於朝許仍其俗又患山路險遠盜
賊出沒為行者病相地置鎮每鎮設土酋吏百夫長各
一人往來者或值劫掠則罪及之有土吏數輩怨其不
己用至京師誣其專僭數事帝曰賽音諤德齊憂國愛

民朕洞知之此輩何敢誣告即命械送賽音諤德齊處治之既至脫其械且諭之曰若曹不知帝以便宜命我故訴我專僭今不汝罪且命汝以官能竭忠自贖乎皆叩頭謝誓以死報交趾叛服不常湖廣省發兵屢征不利賽音鄂德齊遣人諭以禍福且約為兄弟交趾王大悅遂乞永為藩臣蘿槃甸叛往征之有憂色從者問故賽音鄂德齊曰吾非憂出征憂爾曹冒鋒鏑不幸以無辜死又憂汝等劫掠平民使不聊生及民叛則又從而征

之耳師次蘿槃城三日不降諸將請攻之賽音諤德齊
不可遣使以理諭之蘿槃主曰謹奉命越三日又不降
諸將奮勇請進兵賽音諤德齊又不可俄而將卒有乘
城進攻者賽音諤德齊怒遽鳴金止之召萬戶叱之曰
天子命我安撫雲南未嘗命以殺戮也蘿槃主聞之曰
平章寬仁如此吾拒命不祥乃舉國降由是西南諸夷
翕然款附夷酋每來見例有所獻納賽音諤德齊悉分
賜從官或以給貧民秋毫無所私為酒食勞酋長製衣

冠襪履易其卉服草履酋皆感悅至元十六年卒百姓
巷哭交趾王遣使致祭有生我育我慈父慈母之語帝
思賽音諤德齊之功詔雲南省臣盡守其成規不得輒
改大德元年贈咸陽王謚忠惠子五人長尼雅斯拉昂
次哈克繖廣東道宣慰使都元帥次呼遜次舒蘇丹額
默勒建昌路總管次巴蘇呼雲南諸路行中書省平章
政事

尼雅斯拉昂累官雲南路宣慰使都元帥至元十六年

按經世大典云至元十四年尼雅斯拉昂由雲南率
蒙古纛斃軍征緬至江頭城招降諸砦紀年互異
遷

帥大理以軍抵金齒蒲驃曲蠟緬國招安夷寨三百籍
戶十二萬餘定租賦置郵傳立衛兵會其父歿雲南省
臣失撫綏之方世祖憂之近臣以尼雅斯拉昂為言十
七年授雲南行省右丞建言雲南省規措所造金薄質
易病民宜罷且請罷元帥府及官員子弟入賢臣奏可
尋進拜平章政事奏減哈喇章冗官二十一年從皇太
子托歡征交趾有功二十八年進拜陝西行省平章政

事二十九年卒封延安王子十二人巴延中書平章政
事烏納爾江浙行省平章政事扎哈哩荆湖宣慰使和
碩雲南行省平章政事實迪雲南行省左丞阿榮太常
禮儀院使巴延徹爾中書平章政事贈奉元王謚忠憲
呼遜至元初以世臣子備宿衛十五年出為河南等路
宣慰司同知河南多盜官軍收捕失利呼遜遣土豪持
檄諭之未幾賊二人來歸賜之冠巾且諭之曰汝既自
歸即良民矣俾侍左右尋放還令遍諭其黨數日後招

集其為首者十輩來羅拜庭下顧視異常衆悉驚怖呼
遜命為民俾隨侍左右夜則令卧戶外時呼而飲食之
羣盜聞之相繼款附除南京總管大德元年遷雲南行
省右丞既至條具諸不便事言於宗王請更張之王不
可呼遜與左丞劉正馳還京師有旨令宗王協力施行
由是一切病民之政悉革而新之豪民規避徭役往往
投充王府宿衛有司不勝供給呼遜按元額所無者悉
籍為民馬龍州酋謀叛陰與外賊通事覺宗王將釋不

問呼遜與劉正反覆斫鞠姦狀盡得竟斬之軍糧支給
吏畜緣為姦呼遜按軍戶姓名及倉廩處更番支給吏
姦始除先是沙木斯昂為雲南平章時建孔子廟為學
校撥田五頃以供祭祀教養後為大德寺所有呼遜奪
歸之復下諸郡邑遍立廟學選文士為教授文風大興王
府畜馬繁多悉縱之郊敗民禾稼而牧人又在民家宿
食室無寧居呼遜度地置草場構屋數十間使為牧所
民得以安廣南酋沙奴素彊悍梗化呼遜誘致之置酒

宴勞諷令入覲帝大悅大德五年緬國主負固不臣呼
遜遣人諭之曰我老賽音諤德齊平章子也惟先訓是
遵凡官府於汝國所不便事當為汝更之緬國主遂與
使者偕來獻白象一既入帝賜緬國主以世子之號烏
蠻等租賦歲發軍徵索乃集呼遜以利害榜諭不遣一
卒而租賦咸足俄有為飛語及符識以惑宗王者呼遜
引劉正密為馳奏造言之徒悉誅八年出為四川行省
左丞改江浙行省至大元年拜江西行省平章政事明

年以母老謝職歸養又明年卒天歷元年贈雍國公謚忠簡子二人已罕中慶路達嚕噶齊庫哩湖南道宣慰使

欽定續通志卷四百五十